四 庫全

書

薈

要・乾

隆 御

即览本史部

飲定四庫全書管要卷四十四百五十九大部 陸俟代人也曾祖幹祖引世領部落父突太祖時率部 民隨從征伐數有戰功拜厲威将軍離石鎮将天興中 上黨太守闕內侯侯少聰慧有策略太宗踐阼拜侍 魏書参四十 列傳第二十八 陸 · 佚 A. data 魏 经专 权 撰

:

臺事當官而行無所屈撓世祖親征辦連昌韶侯督諸 **侍平西将軍安定鎮大将既至懷柔羌戎莫不歸附追** 平凉休屠金崖羌狄子玉等叛復轉為使持節散騎常 下第一轉都督洛豫二州諸軍事本将軍虎牢鎮大将 仍本将軍時考州郡治功难俟與河內太守丘陳為天 即遷內侍襲爵閥內侯轉龍驤将軍給事中典選部蘭 公安商督諸軍攻虎牢剋之賜爵建業公拜冀州剌史 軍鎮大磧以備蠕蠕車駕還復典選部簡臺事與西平 定匹庫全書 1 卷四十

莫弗果我郎孙而叛世祖間之大驚即召俟問其知 祖 前鎮将即孙世祖詔許之徵侯還京既至朝見言於 鎮大将未春諸高車莫弗記訟俟嚴急待下無恩還請 敗高車必叛世祖疑謂不實切責之以公歸第明年 討崖等皆獲之徵還拜散騎常侍出為平東将軍懷荒 以莅之以威嚴節之以憲網欲漸加訓導使知分限 "意俟曰夫髙車上下無禮無禮之人難為其上臣 日陛下今以即 孤復鎮以臣愚量不過周年孤身必 欺

t

AND DELLA ALIA

缆言

惡直聽正實繁有徒故訟臣無思稱班之美孙獲還鎮 秦雅二州諸軍事平西将軍長安鎮大将與高京王那 曰 至濟南東平俊徒其民六十家於河北又以俟都督 破凉州常隨駕別督輜重又與高凉王那渡河南略 投之以威則人懷怨熟怨熟既多敗亂彰矣世祖笑 恕侍之無禮之人易生陵傲不過朞年無復上下 其名譽又加恩於百姓設臣為失專欲以寬惠治之 柳身乃短慮何長也即日復除散騎常侍世祖征

擊蓋吳於杏城大破之獲吳二叔諸将欲送京師俟 叔免其妻子使自追吳擒之必也諸将咸曰今來討賊 獲之若停十萬之眾以追一人非上策也不如私許英 平之時仍多叛動今雖良民猶以為懼況其黨與乎若 不許曰夫長安一都險絕之土民多剛殭類乃非一 不斬吳恐長安之變未已吳一身藏窠非其親信誰能 破之獲其二叔唯吳一人何所復至俟曰吳之悖逆

本自天性今若獲免必誑惑愚民稱王者不死妄相

魏書

<u>ج</u>

腹 諸 rt. 期 動為患以大諸君不見毒蛇乎斷其頭猶能為害況 吳 頖 不殺更有所永遠去不返其如罪何俟曰此罪 心疾而口必道其類其可乎諸将口公言是也但 君當之高京王那亦從侯計遂遣吳二叔與之期 也後數日果斬吳以至皆如其言俟之明略獨決皆 贠 ,以俟威恩被於關中詔以本官加都督秦雍諸軍 叔不至諸将各答於侯侯曰此未得其便耳必 四月全書 也運內都大官安定盧永劉超等聚黨萬餘以 龙四十 我與 除 得 及 瓶

乃率其帳下往見起觀其舉措設掩襲之計起使人逆 示以成敗誘納超女外若姻親超猶自警初無降意 事鎮長安世祖口泰川險絕奉化日近吏民未被思德 兵與柳則超等必合而為 之鎮超等聞之大放以為無能為也既至申揚威 三百人以外當以弓馬相待三百人以內當以酒 項年已來頻有叛 兵與御則不制矣今使柳以方略定之於是侯軍 動今超等特險不順王命朕若以 據險拒戰未易攻也若 信

妮書

散騎常侍如故高宗践作以子麗有荣立之熟拜佚征 殺傷干数遂平之世祖天 悦徴俟還京師轉外都大官| 為限俟於是詐醉上馬大呼手斬超首士卒應聲縱擊 西大将軍進爵東平王太安四年薨年六十七諡日成 恩德激属将士言至题功士卒奮勇各曰以死從公义 而還後謂将士曰起可取也乃密選精兵五百人陳國 供供乃将二百騎話超起設備甚嚴俟遂縱酒盡醉 二也遂偽獵而詣超與士卒約日今會發機當以醉 **灾匹庫全書** 尽四十

望重者以友禮待之詢之政事責以方略如此者十人 長子該多智有父風高宗見該而悦之謂朝臣曰吾常 號曰十善又簡取諸縣殭門百餘人以為假子誘接殷 之與安初賜爵即城侯出為散騎常侍安南将軍相州 刺史假長廣公為政清平抑殭扶弱州中有德宿老名 上接下行止取與每能逆曉人意與其從事者無不爱 歎其父智過其驅是復瑜於父矣少為內都下大夫奉

泥書

王有子十二人

勤 賜以衣服令各歸家為耳目於外於是發好猶伏事 定四庫全書 不驗百姓以為神明無敢却盗者在州七年家至貧 天 四 十

十口敌之還也吏民大飲布帛以遺之該一皆不受民 臣曰馛之善政雖復古人何以加之賜絹五百疋奴婢 **徵為散騎常侍民乞留該者干餘人顯祖不許謂犀**

亦不 民猶懷去就該街旨撫慰諸有陷軍為奴婢者該皆免 建安王時劉彧司州刺史常珍奇以懸瓠內附而新 取於是以物造佛寺馬名長廣公寺後襲父爵改

六子琇凱知名 **鮁傳位于髙祖延與四年薨贈以本官諡曰貞王馛有** 保吾子乎遂以敽為太保與太舒源賀持節奉皇帝璽 頸殿庭有死無貳久之帝意乃解詔曰馛直臣也其能 太子聖德承基四海屬望不可橫議干國之紀臣請例 録留臺事督兵運糧一委處分顯租将禪位於京兆王 推任城王雲隴西王源賀等竝皆固諫馛抗言曰皇 思 `

之百姓忻悦民情乃定車駕討蠕蠕詔馛為選部尚書

之遂五琇為世子該费職時玩殺少言雅好讀書以 記堪為陸氏宗首乎務對曰苟非關力何患童稚飯奇 **琇字伯琳馥第五子母赫連氏身長七尺九寸甚有婦** 王有十二子我為嫡長承襲家業今己年老屬汝幼沖 **金定四庫全書 裁有以爵傳琇之意珍年九歲飯謂之曰汝祖東平 騎常侍太子左詹事領北海王師光禄大夫轉祠** 臣子孫為侍御長給事中遷黃門侍郎轉太常少柳 表表 四十

尚書司州大中正會從兄叡事免官景明初試守河內

凱字智君謹重好學年十七為中書學生拜侍御中散 仍工書訴冤世宗詔復琇爵

郡成陽王禧謀反令子曇和與尹件期幹繼祖等先據

河内琇聞禧敗斬曇和首時以琇不先送曇和禧敗

首責其通情徵詣廷尉廷尉少柳崔振窮治罪状

大逆陸宗大小成見收捕會将赦先费於獄務弟凱

轉通直散騎侍郎遷太子庶子給事黃門侍即凱在

災足日華私書

魏書

上 書乞骸骨韶不許 十餘年以忠厚見稱布言屢中髙祖嘉之後遇患 物太醫給湯藥除正平太守在 尽四十

疎 每引 年號為良更初爲祖将議革變舊風大臣

知前事直當問其古式耳終無親彼而 已快快有不平之色乃令凱私諭之日至尊但欲廣 劉芳郭作等密與規設共論時政而國戚謂遂 相 凱亦 疏 也國成 並有難色 售

人意乃稍 解咸陽王禧謀逆凱兄務陷罪

被拟

秋乃兔凱痛兄之死哭無時節目幾失明訴冤不己備

曰惠 孫惠尉惠尉謂諸賓曰不意二陸復在座隅吾德謝張 長子暐字道暉與弟恭之並有時譽洛陽今賈預見其 追今願畢矣遂以其年卒贈龍縣将軍南青州刺史益 公無以延譽暐起家司徒行參軍太尉西閣祭酒兼尚 兄弟歎曰僕以老年更覩雙璧又嘗兄弟共候哉門郎 日吾所以数年之中抱病恐死者顧門户計耳逝者不

魏書

盡人事至正始初世宗復務官爵凱大喜置酒集諸親

為時所鄙 為悟蒙章及七誘十醉章表數十篇埠與恭之晚不睦 書右民三公郎坐事免後除伏波将軍正光中卒贈司 州治中孝昌中重贈冠軍将軍恒州刺史暐擬急就篇

欽定四庫全書

子元規武定中尚書郎

恭之字季順有操尚釋褐侍御史著作佐郎建義初除

中書侍郎領著作郎尋除河北太守轉征虏将軍殷州

刺史前廢帝初拜廷尉卿加鎮西将軍所歷站有聲績

歸 **馛弟石跋涇州** 尼弟麗少以忠謹入侍左右太武特親昵之舉動審慎 後坐事免孝靜初還復本位出除征南将軍東荆州 石跋弟歸東宫舍人駕部校尉 史天平四年卒贈散騎常侍衛将軍吏部尚書定州刺 諡 弟尼内侍校尉東陽鎮都 雌開府中兵參軍 日懿恭之所著文章詩賦凡千餘篇 刺史 将

?

į

把書

書長孫 冒以干大典 頻讓再三詔不聽魔乃啟曰臣父母奉 之社 立既而為中常侍宗愛等所殺百察憂惶莫知所 無愆失賜爵章安子稍運南部尚書太武崩南安 其右興安初封平原王加撫軍将軍麗辭日陛下 贞 以高宗世嫡之重民望所係乃首建大義與殿中 四月全十二 之重承基繼業至於奉迎守順臣 稷獲安魔之謀矣由是受心膂之任在 冯侯尚書源賀羽林 秦四十 即劉尼奉迎高宗 宇一常豈敢 朝者無 於苑中 尚

重之領太子太傅麗好學爱士常以講習為業其所待 復其子孫賜妻妃號麗以優寵既類固辭不受髙宗益 和平六年高宗崩先是麗療疾於代郡温泉開諱於赴 者皆寫行之流士多稱之性又至孝遭父憂毀奪過禮 **請禹宗曰朕為天下主豈不能得二王封鄉父子 也乃** 朝忠勤著稱今年至西夕未登王爵臣叨荷寵祭於分 以其父佚為東平王麗尋遷侍中撫軍大将軍司徒公 已過愚款之情未申大馬之効未展願裁過思聽遂所

児台

赴 定國在強抱馬宗幸其第詔養官內至於遊止常與 左右止之曰宫車晏駕王德望素重好臣若疾民譽慮 諍之由是見忌顯祖甚追惜麗諡曰簡王陪葬金陵鳥 麗曰安有聞君父之喪方慮禍難不即奔波者遂便 **代長子定國社氏所生次叡張氏所生** 追録光朝功臣以麗配餐廟廷麗二妻長日社氏次 定匹庫全書 乙軍尋擅朝政忌而害之初軍悖傲每為不法麗 測之禍願少進回朝廷寧静然後奔赴猶為未院 太四十

尚書前後大駕征巡每權為行臺錄都曹事超邊司空 求以父爵讓弟叡乃聽之依遷侍中儀曹尚書轉版中 祖同處年六歲為中庶子及顯祖践作拜散騎常侍特 定國恃恩不循法度延興五年坐事免官爵為兵太和 賜封東郡王加鎮南将軍定國以承父爵頻辭不許又 欽 予昕之字慶始風望端雅襲爵例降為公尚顯祖女常 定四庫全書一 州贈以本官諡曰注王賜命服一襲 復除侍中鎮南将軍泰益二州刺史復王爵八年薨 魏吉

官尋以主将除通直散騎常侍未幾遷司徒司馬加輔 射李沖有電於時與度世子泉婚親相好沖遂左右申 永平四年夏卒贈鎮東将軍蕉州刺史諡曰惠初定國 除青州刺史在州著寬平之稱轉安北将軍相州刺史 國 山公主拜駒馬都尉歷通直即景明中以從叔坊罪免 将軍出為兖州刺史尋進號安東将軍治有名績仍 俱為舊族而嫡妾不分定國亡後兩子爭襲父爵僕 河東柳氏生子安保後納范陽盧度世女生昕之二

妾媵而皆育女公主有三女無男以昕之從兄希道第 丘長公主並為女侍中又性不妬忌以昕之無子為納 念過哀未幾而亡公主奉姑有孝稱神龜初與穆氏頓 年未四十頻無三蕃當世以此祭之昕之卒後母盧怿 四子子彰為後 子彰字明遠本名士沉年十六出後事公主盡禮丞相 飢寒昕之容貌柔謹髙租以其主壻特垂昵眷世宗時

之

E) D mat do stan 1

魏書

助昕之由是承爵尚主職位赫奕安保沉廢貧賤不免

禧誅養於彭城王第莊帝親之略同諸姊建義初爾朱 社帝即位徴拜給事黃門侍郎子彰妻即咸陽王禧女 東将軍金緊光禄大夫領廣平王贊開府語議參軍事 荣欲修舊事庶姓封王由是封子彰濮陽王食邑七百 生矣正光中襲爵東郡公尋除散騎侍郎拜山陽太守 高陽王雍常言曰常山妹雖無男以子彰為兒乃過自 天平中拜衛将軍蘋州剌史以母憂去職元象中以本 户尋而韶罷仍復先爵除安西将軍洛州刺史還拜征

参四十

武定八年二月除中書監三月卒年五十四膊帛一百 疋追贈都督青光齊三州諸軍事驃騎大将軍開府儀 中復行滄州事進號驃騎天将軍行冀州事除侍讀兼 之還朝除衛大将軍右光禄大夫又行瀛州事尋拜侍 刺史仍除徐州刺史将軍並如故一年歷三州當世榮 改自行青冀澹瀛甚有時譽加以虚已納物人敬爱之 七兵,尚書行青州事子彰之為州以聚飲為事晚節修

2

The Art Auto 1

砚書

将軍除齊州刺史又加縣騎将軍行懷州事轉北豫州

叡字思弼其母張氏字黃龍本恭宗官人以賜麗生叡 駿弟杏尚書倉部郎 昴弟骸太子洗馬 娶重疾藥中須桑螵蛸子彰不必害物遂不服馬其仁 同三司青州刺史公如故諡曰文宣子彰崇好道術曾 麗之亡也叡始十餘歲襲爵撫軍大将軍平原王沉雅 恕如此教訓六子雅有法度 子昴武定中中書舍人 四月日 尽四十

夏服一具後以叡為北征都督擊蠕蠕大破之遷侍中 東西二道大使發善罰惡聲稱聞於京師五月詔賜叡 散騎常侍太和八年正月叡與隴西公元琛竝持節為 衣馬僮使待之甚厚為北征都督拜北部長轉尚書加 於郭見李彪甚散悦之仍與俱趙京師以為館客資給 **刺史博陵崔鎏女鑒謂所親云平原王才度不惡但恨** 好學折節下士年未二十時人便以宰輔許之娶徐州 姓名殊為重複時高祖未改其姓叡始自東徐還經

完全日

令衛将軍閥大破蠕馬軍尋以母憂解令高祖将有 軍 常侍遣尚書左僕射領北部尚書十六年降五等之爵 使持節鎮北大将軍與陽平王頤竝為都督督領軍将 **通走追至石磧擒其師亦阿突等數百人而還加散騎** 都曹尚書時蠕螺又犯塞詔叡率騎五千以討之蠕蠕 歃 羅熟著前朝封叡鉅鹿郡開國公食邑三百户尋為 下各賜衣物有差與二親幸城北訓誓屋即除尚書 斛律桓等北征三道諸軍事步騎十萬以討蠕蠕叡 定四庫全書 | 参四十

禮詔曰叡猶執私痛致違往旨金革方馳何宜曲遂也 有弗達之略後天有順時之規今蕭鸞盗有名目竊據 考百官奪叡尚書令禄一周十九年叡表曰臣聞先天 肆朔三州諸軍事本将軍恒州刺史行尚書令髙祖大 南伐之事以本官起之改授征南将軍叡固辭請終情 江浩傷彼之巨防可以德招難以力屈又南王昏霧暑 江左惡盈罪稔天人棄之取亂攻昧誠在兹日愚以長 加領衛尉可重物有司速令敦喻後除使持節都督恒

足日華全書

魏書

旌卷旆為持久之方崇成帝居深重本之因聖懷無內 氣鬱蒸師人經夏必多疾病而鳥遷草創底事南爾臺 念之虞兆庶休斤板之役修禮華區飆風洛浦然簡英 驅罷放之兵討堅城之虜将何以取勝乎陛下往冬之! 省無論政之館府寺靡聽治之所百家居止事等行路 政欲曜武江漢示威衛相自春幾夏理宜釋甲願豪 外攻響寇羸弱之夫內動土木運給之費日 雨失陽自成痛疫且兵猛起舉聖王所難今介胃之 損干

代親臨太師馮熙之葬坐削奪都督三州諸軍事尋除 降而旋不舒鑾與久臨炭暑鳥祖從之叡表請車駕還 **閩殿敢不稽額豈必兹年競斯寸尺惟願顧存近初** 奮還遣篡德之人効其餘力來流而下勢勝萬倍崑爾 然後布仁化以綏近播恩施以懷遠凡在有情孰不思 覩 機自服無附 振威回麾東指則義陽以左馳聲可制 納

之将任猛毅之雄南取荆湘據其要府則梁泰以西

都督恒朔二州諸軍事進號征北大将軍以有順遷之

文

足可睡在 45

魏善

大

與移泰結禍數圖反噬以朕遷洛內懷不可擬舉諸王 忘短棄瑕務相合養豈謂陸叡無心之甚一至於斯 表加色四百户時榜泰為定州刺史解以疾病上温 日陸叡元不早開五大臣自與卿等同受非常之記 免孥戮徒其妻子為途西郡民詔僕射李沖領軍于烈 史将軍如故叡未發遂與泰等同謀構達賜死獄中聽 甚請恒州自劾高祖許之乃以叡為散騎常侍定州刺 以不死之首思得上下齊信以保大義朕於卿等常 寒四十

朕諦尋前百許不盡法反逆之志自負幽冥違誓在彼 表得使正人斜隱恒岳無塵是以叡之愆失處入門誅 議引子恂若斯之論前後非一始欲推故南安王次 猶憶先言兼以未頗異議聽自死別府免厥孥戮其門 然猶隱而弗聞賴陽平王忠貞奮發獲泰之言便爾馳 既垂就叡以洛都休明勸令小緩於是之後兩人復競 陽平王若不肯從欲逼樂陵王訟誇朝廷書信炳然事 不關朕也反心逆意既異餘犯雖欲於恕未如之何然

足可華 4 等

魏書

·童稚構兹妖逆達悖天常罪踰萬預叡結繫在心陰 掛 莫大之施萬殞靡酬而叡丕識乖大馬心同泉境潛引 心乖念一何可悲故此别示想無致怪也謀反之外皎 忽為民朕本期有終而彼自棄卿等之開忽及今日違 證理在可親但以言無炳灼隐而弗窮以連坐應死持 子孫永世不齒元丕二子一弟首為賊端其父無人明 用坐班位列功無汗馬猥受山河叨忝之寵終古無比 白日耳神烈表日臣等邀逢幸會生遇昌辰才非利

孝四十

忠貞之義而更違天背道包藏好逆求情推理罪乃常 恕其生命其若天地何其若神祗何夫劾誠盡節為下 交扇東西規擾并夏測觀此状無客不知雖聖慈含育 辭披露宿志原心語跡實為城首丕之二子從惡累年 之常分刑兹無捨在上之常法汎曲蒙莫大之恩與以 不息閒說戚蕃擬窺氧象雖覩休平未懷疑惑何當片 少柳加龍縣将軍南青州刺史以本将軍轉梁州刺史 将軍元英攻蕭行司州以希道為副及克義陽以功賜 爵淮陽男拜諫議大夫以學關今古參議新令轉廷尉 征自効以軍功拜給事中遷司徒記室司空主簿征南 致初拜中散遷通直即坐父事徒於遠西於後得還從 叡長子希道字洪度有風貌美騎髯歷覽經史煩有文! 臣等背員餘黨別垂明詔再申齊信之恩重喻皎日之 **古伏讀悲慙惟深愧楊** 定匹庫全書 人 **表**四十

前将軍郢州刺史希道善於馭邊甚有威略轉平西将 道有六子 軍徑州刺史正光四年卒官贈無軍将軍定州刺史布 士懋字元偉天平中以其曾祖飛有翼戴之軟部特復

希道頻表辭免又除東夏州刺史不拜轉北中即将遷

士懋弟士宗字仲彦尚書左外兵郎中

大配日華 在

魏書

九九

營州刺史

鉅鹿郡開國公邑三百户令士懋襲武定中平東将軍

士述弟士沉出繼從叔昕之 士宗弟士述字幼文符璽即中士宗士述建義初並於 河陰遇害 巷四十

世隆攻焰州城見害

士沉弟士廉字季脩建州平北府長史永安末為爾朱

士庶弟士佩字李偉武定中安東将軍司州治中

希道弟希悦尚書外兵,即中驃騎諮議參軍通直散騎

|将軍相州刺史 **侍郎陽城太守孝莊初除龍驤将軍膠州刺史蕭行造** 希静弟希質字幻成起家員外即領侍御史稍遷散騎 希證弟希靜字季點司徒點曹稍遷邵郡太守 希悦弟希諡太尉祭軍早卒

思言

将率衆數萬從郁洲浮海據島來侵州界希質討破之

瑾弟瓘字子璧次悉達武定中並儀同開府參軍 黨排毀朝俊有識者薄之 |常꼒衛大将軍都官尚書武定七年夏卒年五十八 次瑾字子瑜性竝麤儉乃為劫盜珣瑾俱死 子珣字子琰開府參軍 官又通不能平心於物唯與山偉宇文忠之等共為朋 驃騎大将軍中書監青州刺史諡曰文希質名家子位 之兄孫由是獲免天平初給事哉門侍郎遷魏尹轉太 贈

定四庫全書

表 1 □ 1

陵成弟龍成有父兄之風少以功臣子為中散稍遷散 騎常侍賜爵永安子加平遠将軍出為安南将軍青州 刺史假樂安公愛民恤下百姓稱之卒 順 帶昏陽太守進號前将軍卒贈本将軍夏州刺史盜曰 廣牧子遷龍驤将軍游擊将軍北中即将轉南中即将 颜弟凌成中校 科河問太守秘書中散新城子 麗弟顏早卒子闘字清都性機巧歷位長水校尉賜爵

足可車全書

秘書

Ŧ

空司馬尋拜光禄大夫祖無他才能唯飲酒為事出為 官行荣尚郡事被劾會赦免久之進號廣武将軍選可 平中進號縣騎大将軍加散騎常侍領左右兼給事黃 平西将軍京北內史固解不拜轉平北将軍肆州刺 入為衛将軍大鴻臚鄉仍除車騎将軍左光禄大夫天 子昶字細文襲爵正始中為太尉屬加寧遠将軍以本 **侍郎仍兼太僕卿復以本将軍為東徐州刺史尋卒** 本将軍衛尉卿青州刺史

本四

探弟廷 高貴弟順宗員外即私書中散 龍成季弟騏驎侍郎中散轉侍御長太和初新平太守 子緊之武定未東莞太守 子操武定未度支尚書 子高贵孝昌中充州鎮東府法曹参軍 銀青光禄大夫以彭城勲除夏州刺史

供族弟宜雲中鎮将

次足日華 4 等三


魏青

チニ

登弟子景元元象初衛将軍儀同三司南青州刺史 子匡司空倉曹參軍 東大将軍相州刺史政尚寬惠民更安定卒諡貞公 子登澄城太守 甚見委任尋拜尚書令後除安東将軍定州刺史轉征 拜侍中樂部尚書遷散騎常侍吏部尚書賜爵安樂公 子為高宗世歴侍中給事顧祖初侍御長以謀誅乙軍

为四月 全意

史臣曰陸侯威略智器有過人者該識幹明厲不替家



金只四周全書 魏書卷四十 卷四十


陸 上温則甚〇臣照按此四字正史無之汲古閣本則闕 然簡英略之将任猛毅之雄南取荆湘據其要府〇然 字下疑脱後字 諱書字知此則改禍為泉唐時例以泉代淵也 俟傳與度世子泉婚親相好○泉北史作伯源 魏書参四十考證 按本書盧度世傳度世子淵字伯源北史避唐髙祖 臣 di

たこり

1. d. 1.


絕書


之盖以義不可曉也推尋文意上字乃上字之記時



ż 包日車 第 第 第 第 謹 本改 改 条卷三十八第六頁前三行雖遣船 十七頁前八行并州大中正刊本大記太據 六頁 訛 十五頁前 九 全書 頁 須 後 後 據 八行字文 四 毛 五行魯 本 行 憂 改 勤 盡忠 朗 軌 刊 頏 刋 鈍 本 刊 朗 本忠訛 本 訛 澒 助 思今改 訛 據 匠利本雖 頹 扎 史 據 毛本 改 毛

卷 第 第 第 卷 前 字 三 ナ Ĺ 六行 ょ 十頁 元字 十 四 頁 據 ተ 五 第 九 後天 頁 前 後 باله 據 第八 前一 史 唐 五 三 四 行 書 有 頁 増 行 行 頁 順 世系 後 私 功 請 曹參 時之規刊本規 前 輸之日 五 表 行 終 ょ 軍 情 行 及 刪 期 刊 刊 チ 禮 士 本 本 呉 明 ひ 监本 叔 操 諭 不至 訛 刋 訛 訛 踰今改 本士 作 見 公 刋 髙 據 據 毛本 下衍 本 毛本改 袓 脱 不 攺 許 期







人對官

瘩 録 舉

臣

王

旭

暢

覆校官編 檢 計 修 臣

臣

Ŧ 鍾

健

欽定四庫全建

百公曾要 建書卷四十二

詳校官內閣侍該追路 球

灾足可事企品 及見器具機辯賜爵西平侯加龍驤将軍謂賀曰仰與 所減賀自樂都來午賀偉容稅善風儀世祖素開 欽定四庫全書替要卷四千四百六十史部 賀自署河西王秃髮俸檀之子也停檀為乞伏熾磐 魏書卷四十 源賀 得第二十九 齊 魏 魏書 收 撰 具 名

福 鄉 為之援然皆是臣 朕 落獲 胡 耳世祖日善於是遣賀率精騎 万 皆先登陷陳進號平西将軍世祖 同因事分姓今可為源氏從擊叛胡 必相率歸降外援既 图台里 雜畜十餘萬頭 問攻戰之計質對日 祖父舊民臣 及圍 卷四十 服然後 姑臧 姑 臧 願軍前宣國威信示 城 攻其私城拔之如 由是無外應故 歴 諸 外有四 部招慰下三 征 涼 白龍又討 部 州 鮮甲 以貿為 得專 其 反 吐

攻之涼州平遷征西将軍進號西平公又從征

策異戴髙宗令麗與劉尼馳詣苑中奉迎髙宗賀守禁 擊五城吐京胡討蓋吳諸賊皆有功拜散騎常侍從駕 力也賀本名破是是役也世祖曰人之立名宜其得實 臨江為前鋒大将賀為人雄果每遇殭冠輒自奮擊世 何可濫也賜名賀馬拜殿中尚書南安王余為宗愛所 祖戒之曰兵凶戰危不宜輕犯卿可運籌處分勿恃身 也買部勒禁兵静退外內與南部尚書陸麗決議定

天 El D wet di data

魏書

中為之內應俄而魔抱高宗單騎而至賀乃開門高宗

發善人卿其任意取之勿謙退也賀解固使取之賀唯 策之勲進爵西平王高宗即位班賜百僚謂賀日朕 取戎馬一疋而已是時斷獄多濫賀上書曰案律謀反 逆之辜其為劫賊應誅者兄弟子姓在速道隔關津 家具子孫雖養他族追還就我所以絕罪人之類 位社稷大安賀有力馬轉征北将軍加給事中以定 田屋白雪 各四十

皆不坐竊惟先朝制律之意以不同謀非絕類之罪

垂不死之韶若年十三已下家人首惡計謀所不及

息之惠刑措之化庶幾在兹虞書曰流宥五刑此其義 罪其坐贓及盜與過誤之愆應入死者皆可原命謫守 **冀州刺史改封雕西王賀上書曰臣聞人之所寳莫寳** 邊境是則已斷之體更受全生之恩徭役之家漸蒙休 其在疆場循須防戍臣愚以為自非大逆亦手殺人之 權其輕重有可於恤令勍寇遊魂於北後賊員險於南 於生全德之厚者莫厚於宥死然犯死之罪難以盡恕 愚以為可原其命沒入縣官高宗納之出為征南将軍

鬼与

有盆卿等事朕致何善意也茍人人如賀朕治天下復 髙宗謂羣臣曰源賀勸朕宥諸死刑徒充北番諸戊自 言唯加裁察髙宗納之已後入死者皆恕死徙邊久之 也臣受恩深重無以仰答將達闕庭豫增係戀敢上瞽 何憂哉顧憶誠言利實廣矣羣臣咸曰非忠臣不能進 爾至今一歲所活殊為不少生濟之理既多邊戍之兵 計非聖明不能納此言質之臨州鞠獄以情徭役簡 定四庫全書 秋四十一

省武邑郡姦人石華告沙門道可與賀謀及有司以聞

尚致其誣不若是者可無慎乎時考殿最賀治為第一 賜衣馬器物班宣天下賀上表請代朝議以賀得民情 損慮也賀上書謝書奏髙宗顧謂左右曰以賀之忠誠 檢已加極法故遣宣意其善綏所莅勿以囂誇之言致 **欽至著自先朝以丹青之潔而受養蠅之汙联登時研** 髙宗謂羣臣曰賀誠心事國朕為卿等保之無此明矣 乃精加訊檢華果引誣於是遣使者詔賀曰卿以忠誠

不許在州七年乃徴拜太尉蠕蝎寇邊賀從駕追討破

钦 足 日 車 全 書

魏書

遣賀率東討之降二千餘落倍道兼行追賊黨郁朱于 之類祖將傳位于京兆王子推時賀都督諸軍屯沒南 乃馳傳徵質質既至乃命公卿議之賀正色固執不可 韶賀持節奉皇帝璽綬以授高祖是歲河西勃勒叛

斬首三千級賀依古今兵法及先儒耆舊之說略採至

要為十二陳圖以上之顯祖覽而嘉焉贺以年老辭位

等至枹罕大破之斬首五千餘級虜男女萬餘口雜畜

三萬餘頭復追統萬萬平上邦三鎮叛勃勒至于金城

萬人給强弩十二床武衛三百乘努一床給牛六頭武 遣軍三道並出以備北冠至春中乃班師賀以勞役京 韶不許又詔都督三道諸軍屯于沒南是時每歲秋冬 而有盈畜矣又於白道南三處立倉運近州鎮租栗以 人以鎮撫之冬則講武春則種殖並戍故耕則兵未勞 人復其徭贼厚加賑恤分為三部二鎮之間築城城置 都又非禦邊長計乃上言請募諸州鎮有武健者三萬 乘給牛二頭多造馬槍及諸器械使武略大將

仌

THE LA PART CE CAT

怨言

汝其母傲各母荒怠母奢越母嫉妬疑思問言思審行 **勅諸子曰吾頃以老患辭事不悟天怒降恩爵逮於汝** 后遣使者屢問消息太醫視疾患為還京師質乃遗令 給衣藥珍羞太和元年二月療疾於温湯高祖文明太 病寫乞骸骨至于再三乃許之朝有大議皆就詢訪又 充之足食足兵以備不虞於宜為便不可歲常舉泉連 動京師令朝廷恒有北顧之處也事寢不報又上書稱

思恭服思度過惡揚善親賢遠佐目親心真耳屬之正

長子延性謹厚好學初以功臣子拜侍御中散賜爵武 城子西治都將卒贈涼州刺史廣武侯諡曰簡 中太尉隴西王印綬諡日宣賻雜綵五百疋賜輼輬車 及命服温明视器陪葬于金陵 申孝心芻靈明器一無用也三年秋薨年七十三贈侍

誠勤以事君清約以行已吾終之後所葬時服單櫝足

延弟思禮後賜名懷謙恭寬雅有大度高宗末爲侍御

And the top top to

魏書

諸軍屯於漠南還除殿中尚書出為長安鎮將雅州 中散父賀辭老詔懷受父爵拜征南將軍尋為持節督 憂去職賜帛三百匹穀干石十九年除征北大将軍夏 歲餘復拜殿中尚書加侍中參都曹事之督諸軍征蝎 **史清儉有惠政善於撫恤劫盗息止流民皆相率來還** 公除可州刺史從駕南征加衛大將軍領中軍事以母 **发电压各等** 六道大將咸受 節度遷尚書令參議律令後例降為

刺史轉都督雍岐東秦諸軍事征西大將軍雍州

宥諸流徙在路尚蒙旋反況有未發而仍遭邊戍按守 史景明二年徴爲尚書左僕射加特進時有詔以姧吏 宰犯罪逃走者衆禄潤既優尚有兹失及蒙恩宥卒然 奏曰誰按條制逃吏不在赦限竊惟聖朝之恩事異前 問輕重而藏竄者悉遠流若永避不出兄弟代徒懷乃 犯罪每多逃遁因青乃出应皆釋然自今已後犯罪不

書奏門下以成式既班駮奏不許懷重奏曰臣以為法

小 可可存取 1

魏書

得還今獨苦此等恐非均一之法如臣管執謂宜免之

斯 專據流外豈九品己上人皆貞白也其諸州守宰職任 流妻子雖欲抑絕好途匪為通式謹按事條侵官敗法 世之恒規伏尋條制勲品己下罪發逃亡遇恩不宥仍 流至有貧濁事發逃竄而遇恩免罪軟品己下獨乖 經通治尚簡要刑憲之設所以網羅罪人的理之所 不在繁典行之可通豈容峻制此乃古今之達政教 如此則寬縱上流法切下吏育物有差惠罰不等

謀逆滔天輕恩尚免吏 犯微罪獨不蒙赦使大宥之

兵而東襲上流之東己逼其郊廣陵京口各持兵而懷 中正懷奏日南賊遊魂江揚職為亂逆肆厥谣译月 兩望鍾離淮陰並鼎峙而觀得失秣陵孤危制不出 心骨肉猜叛蕭寳融僭號於荆郢其雍州刺史蕭行勒 日甚貴臣重將靡有子遺崇信姦回昵比閱賢內外 以為宜停書奏世宗納之其年除車騎大將軍涼州 滋

經不通開生之路致壅進達古典退乖今律輒率愚見

君子小人站罹灾禍延首北望朝不及夕斯實天啓之

· 尺配的 · 一

魏書

境危逼何则壽春之去建鄴七百而巳山川水陸彼所 期吞幷之會乘厥蕭墙之覺藉其分崩之隊東據歷陽 敢也若蕭行克就上下同心非直後圖之難實亦揚 治有言皓若暴死更立賢主文武之官各得其任 之信則江西之地不刃自來吳會之鄉指期可舉昔 指瓜步緣江鎮戍達於荆郢然後奮雷電之威布山 卷四十一

容不自保江南将若之何今實卷邑居有土崩之形邊

脫江相無波君臣效職籍水憑舟倏忽而至壽春

不言詔曰不君不臣江南常弊有栗不食其在斯矣 將欲亡之諸蕃又願取之人事天道孰云匪會但 無繼接之兆清蕩江區寔在今日臣受恩既重不敢

亡之勢久應有決假令天罰實卷衍兵獲進則行之

南點企德邊書繼至於悴之氓理須救接若爾者揚

又是亂亡遺孽皇靈其能久祐之乎今之所矜者正

兵力配積不少但可速遣任城委以處分別加慰勉

魏書

養害仁者不為且十月五日行軍已達大航其大傷

識蒙授撫軍大將軍可徒公平原王與安二年追論定 侯陸麗等表迎髙宗纂徽寶命麗以扶員聖躬親所見 **策之勳進先臣爵西平王皇與季年顯祖將傳大位於** 令妙盡邊算也以行事克遂停懷又表曰昔世祖昇遐 쉾 **托中宗愛典圖神位未定臣亡父先臣賀與長孫渴** 安在位出拜東廟為城臣宗愛所弑時高宗避難龍 兆王先臣時都督諸将屯於武川被後請京特見顧 定匹庫全書 先臣固執不可顯祖久乃許之遂命先臣持節授皇 各四十一

父與先臣接立高宗朝廷追錄封叔鉅鹿郡開國公臣 帝璽綬於髙祖至太和十六年麗息叡状秘書稱其亡 奉解面奏先帝申先臣舊勲時勃古但赴所臨尋當別 **歷不墜近則陳力顯祖神器有歸如斯之勲超世之事** 自宫車晏駕逐爾不白獨惟先臣遠則援立髙宗寶 至二十一年車駕幸雅臣復陳聞時蒙勃肯征還當 丁艱草土不容及例至二十年除臣雍州刺史臨發

Art of the Co. Land

魏書

将入鎮祚郊迎道左懷不與語即劾祚免官懷朔鎮将 頗亦言此可依比授馮翊郡開國公邑九百户又詔 否 存恤有方便宜運轉有無通濟時后父于勁勢傾朝野 師遷洛邊朔遥遠加連年旱儉百姓用板懷街命巡撫 貧乏兼採風俗考論殿最事之得失皆先決後聞自京 使持節加侍中行臺巡行北邊六鎮恆蘇朔三州脈給 兄于祚與懷宿昔通婚時為沃野鎮将頗有受納懷 懸請垂裁處詔曰宿老元臣云如所訴訪之史官 All True

元足須與懷少舊亦貪穢狼籍置酒請懷謂懷曰命之 懷與故人飲酒之坐非鞘獄之所也明日公庭始為使 **善連年炎早高原陸野不任營殖唯有水田少可益** 然主将參係專擅腴美府土荒畴給百姓因此因 劾尼須其奉公不撓皆此類也懷又表曰景明以來 檢鎮将罪状之處足須揮淚而已無以對之懷既而 月滋甚諸鎮水田請依地令分給細民先貧後富若 短由卿之口豈可不相宽貨懷曰今日之集乃是源 放

刘日

足习華全書

魏書

時之禄四人巳上李祿一周北鎮邊蕃事與諸夏往日 分付不平令一人怨訟者鎮将已下連署之官各奪一 卷四十一

置官全不差別沃野一鎮自将已下八百餘人黎庶 **愈曰煩猥邊隅事勘實少緣服請主帥吏佐五分減** 怨

嗟

日省表具恤民之懷已勃有司一依所上下為永 細

如斯之比不便於民損化害政者其備列以聞時

民為豪殭陵壓積年枉滯一朝見申者日有百數所

事宜便於北邊者凡四十餘條皆見嘉納正始元年

軥 雖 廟 規 月有告蠕蠕率十二萬騎六道並進欲直趨沃野懷 衰尚得 **范乃於其庭跨鞍執稍躍馬大呼顧** 略隨 勝之規總驗捍之衆足以擒其首帥 寇恒代韶懷以本官加使持節侍中出 隨懷北行韶賜馬一匹細 須微發諸所處分皆以便宜從事又記懷子 如 此 蠕蠕 雖畏壮輕老我亦未便可欺令奉 鉏 具御 謂 獻俘闕下耳時 賓客曰氣 稍一枚悚 據 北蕃指 力

於

定四華全書

魏書

年六十一

懷至雲中蠕蠕亡通懷旋至恒代案視諸

鎮

海 哲思造化之至理推生民之習業量夫中夏粒食邑居 厚薄及儲糧積仗之宜犬牙相救之勢凡表五十八條 左右要害之地可以築城置戍之處皆量其高下揣其 親校短長因宜防制知城郭之固暫勞永逸自皇魏 民雖衣儒步之士荒表如毛飲血之類鳥宿禽居之 口蠕蠕不羁自古而爾遊魂鳥集水草為家中國患 而智臣勇将力算俱竭胡人頗通中國以疲于時賢 類耳歷代驅逐莫之能制雖北拓榆中遠臨 瀚

草時有小泉不濟大衆脫有非意要待秋冬因雲而 世量等檢行要險防過形便謂準舊鎮東西相望令形 遙遠代表諸蕃北固島車外叛尋遭旱儉戎馬甲兵十 分關八去歲復鎮陰山庶事落盡遣尚書即中韓貞宋 極都於平城威震天下德籠宇宙今定鼎成周去北 討如此則威形增廣兵勢亦盛且北方沙漠夏之水 相接築城置戍分兵要害觀農積栗警急之日隨 便

若至冬日冰沙凝厲遊騎之寇終不敢攻城亦不敢越

·

E 9

ment de duin 1997

魏書

兰

興 奏太常寺議諡曰懷體尚寛柔器操平正依諡法柔直 叛 南出如此北方無慶矣世宗從之今北鎮諸成東西 百匹蠟三百斤贈司徒其州刺 詔懷使持節侍中都督平氏諸軍事以討之項 是也遷驃騎大将軍時武與氏王楊紹先权集起 Ė 従 給東園秘器朝服一具衣一裝錢二十萬布 權計其那 魯李煥並禀節度三年六月卒年 卷四十一 史兼吏部尚書盧 昶 有

考終日靖宜諡靖公司徒府議懷作牧陕西民餘惠化

世 諡 顯 務當舉網維何必須太子細 惠公懷性寬容簡約不好煩 善音律雖在白首至宴居之服常自操絲竹懷有 密非屋之病也又性不飲酒而喜以飲人好接賓友 諡不同詔曰府寺所執竝不克允愛民好與曰惠 總端貳朝列歸仁依諡法布德執義曰榜宜諡穆 楹 棟 平正基壁完牢風雨不入足矣斧斤不平斷 魏書 碎 也譬如為屋但外望高 恒語人日為貴人 + 理 可

ì

長子規字靈度中書學生羽林監襲爵年三十三卒 史諡曰質 規弟榮字靈竝年三十二卒於司徒掾贈光州刺史 禄大夫贈度支尚書冀州刺史諡曰文 弟徽字靈祚年二十八卒於直問将軍持贈洛州 文遠襲齊受禪例降 肅襲卒 紀襲景明初詔復王爵尋除隴西郡開國公卒於光

定匹庫全書/

卷四十

宮臣 多歸之自秘書郎除太子舍人涼州中正肅宗踐 為 除恒農太守遷夏州刺史時沃野鎮人破落汗拔陵 玄諒弟子雍字靈和少好文雅寫志於學推誠侍士 弟玄諒出後懷弟與平贈代郡太守 無有雜貳以饑饉轉切欲自出求糧留子延伯據 亂所 例轉奉車都尉逐司徒屬轉太中大夫司徒司 馬 **糧盡煮馬皮而食之子雍善級撫得士心人人** 在蜂起統萬逆胡與相應接子雍嬰城自 守 首

思与

1

糧 北 欽 定四庫 矣遂自率羸弱向東夏運糧延伯與将士送出城外 屬於云今天下分析短賊萬重四方音信莫不斷 各核所邀力屈見執子雅乃密遣人齊書間行與城 而拜辭三軍莫不鳴咽子雍行數日為朔方胡 不得制勝吾今向東州得數月之食還與諸人保 更 頃之問愛在不意何宜父子如此分張未若棄城 吾死地更欲何求然守禦以來歲月不淺所患之 展規略子雅泣而謂泉曰吾世荷國恩早受藩寄 全 書 卷】 四1 十 帥 俱

於統萬於是二夏漸寧及蕭寶夤等為賊所敗賊帥 中文武云大軍在近努力圍守必令諸人福流苗裔 禮事之子雍為陳安危禍福之理勸阿各枝令降 雍兵馬令其先行時東夏合境反叛所在屯結子雍 時北海王颢為大行臺子雍具陳賊可滅之狀颢 拔将從之未果而死技弟桑生代總部衆竟隨子 延伯令共固守子雍雖被囚執雅為胡人所敬常以 而前九旬之中凡數十戰仍平東夏徵稅租栗 Le due 19/ 魏書 <u>+</u>

契官斤於楊氏堡破之子雍出自西夏漸至於東轉戰 沃堡肅宗重書勞勉之子雍在白水郡復破阿非軍多 将軍都督兼行臺尚書復破賊帥紀單步胡提於曲 里至是朝廷始得其委問除散騎常侍使持節假 民携家席卷鼓行南出賊帥康維摩擁率卷胡守鍋 斷既荣橋子雅與交戰大破之生禽維摩又攻賊師 咫尺不通時子雅新平黑城遂率士馬井夏州祭義 明達遣息阿非率衆邀路華州白水被園逼關右 四個分門 撫

除中軍将軍金紫光禄大夫給事黃門侍郎封樂平縣 千五百户進號鎮東将軍遂與裴行發郭以討為禁而 子 夜襲子雍軍不克於此西返子雍乘機繼進徑圍 國公邑一千戶還洛以舊祭久逼信都詔假子雍 雍與都督李神軌先討之子雅行達湯陰鑒遣弟斌 與聚行神軌等攻墨平之改封陽平縣開國公增邑 将軍為北討都督時相州刺史安樂王鑒據郭反初

見


斬獲詔遣侍中尚書令城陽王徽於潼關宣旨慰勞

髙 平 平 停裝行苟逼固行取敗旦夕記 旬 壁深壘勿與争鋒彼求戰則不得野掠無所獲不盈 四十朝野痛情之贈車騎大将軍儀同三司雍州 上書曰賊中甚飢專仰野掠今朝廷足食兵卒飽暖 都城陷除子雍冀州刺史餘官如故子雍以冀州 重表固請 東北漳曲崇奉城十萬來逼官軍子雍戰敗 可坐制山配時裝行復表求行部子雍與行速 如謂不可乞令裝行獨行若不 不聽遂與行俱進至 賜解 進 陽

欽

定四庫全書

をすって



延

決足日華 全 書 | T

魏書

大人

琛為都督延伯叔父子恭為軍司延伯為統軍隨子

伯初為司空於軍事時南泰民吳富反叛詔以

河間

受禪例降

合城憂懼延伯乃人人晚喻曰吾父吉凶不測方寸焦 實難裁割但奉命守城所為處重若以私害公誠孝 延伯與兵士共分湯菜防固城隍及子雍為胡所 朝廷聞而嘉之除龍驤将軍行及州事封五城縣開 野戰勇冠三軍子雍之向東夏留延伯城守付以後 雍在夏州表乞兵援詔延伯率羽林一干人赴之城 西討戰必先鋒子恭見其年幼常訶制之而不能禁 諸君幸得此心無虧所寄於是衆感其義莫不勵

祭 泉還赴子雅兴平黑城在觀索橋戰先鋒陷陳身擒 國子食邑三百户卒能固守及後刺史至延伯率領義 如 百戶為諫議大夫假冠軍将軍別将隨子雍北討與葛 孝孫襲齊受禪爵例降 戰殁時年二十四贈持節平扎将軍涼州刺史開國 及至白水首推阿非隨子雍至都進爵浮陽伯增 雅弟子恭字靈順聰慧好學初辟司空奏軍事司徒 热音 九 維 村

彼 定四庫全書 其美斯實古先結王必有不臣之人者也蕭行雖 行黃門侍郎又稱心存山水不好祭官屢曾辭讓 酒 何者告夷齊獨往周王不屈其志伯况解禄漢帝 尚書北主客即中攝南主客事蕭行亡人許周 表投化人許 略無證明尋其表狀又復莫落案牒 行 怒遂被出為齊康郡因爾歸國願果志嵩嶺 給事黃門侍郎朝士翕然咸共信侍子恭奏 團井其弟周等究其牒状周列云已 卷四十一 推理實有 tt 贻 白 腁 因 加 曰

應 之心已見逃宦之志安在告梁鴻去鄉終傭吳會逢前 杖荣尋山負帙公水而乃廣尋知已遇造執事希禁 哉又其履歷清華名位高達計其家界應在不輕今 母之邦乎若言不好祭官志願嵩嶺者初届之日 海這客遼東站全志養性逍遥而己考之事實何 雅道逼士出郡未為死急何宜輕去生養之土長辭 而尚不聽之哉推察情理此則孟浪假蕭行皆狂不 嫗江左竊號一隅至於處物未甚悖禮豈有士辭

大

至日華全書 一

魏書

二十

訪 者 諸軍不得犯民一物輕與賊戰然後示以感恩雨 吏部子恭持節為行臺率諸将討之子恭嚴勒 遣 嘗無爱感若無 歸 **竹產業應見薄飲尊甲口界亦當從法** 關 令獲實不盈數旬玉石可親於是記 非 化何其孤廻設使當時忽遽不得 周 假稱職位如子恭所疑河州尾却鐵忽反 投化推究二三真偽難 種族理或可通如有不坐便應是 辨請下徐 鵧 推 而 将及其來後 揚二州 訪 周 周 凡 弟 쐐 殺 果 旬 郡 客 密 衍 怡

卷四十一

典竊惟皇魏居震統極總宙取守革制土中垂式無外 孝莫之能加嚴父以兹為大乃皇王之休業有國之盛 邊轉為起部即明堂辟雍拉未建就子恭上書曰臣聞 辟臺望氣軌物之德既高方堂布政範世之道斯遠是 郊天饗帝蓋以對越上靈宗祀配天是用酬膺下土 大 以書契之重理冠於造化推尊之美事絕於生民至如 北祖南同小維於洛食定鼎遷民均氣候於寒暑高

思書

問悉皆降歇朝廷嘉之正光元年為行臺左丞巡行

書令任城王臣澄按故司空臣沖所造明堂樣并連表 軍臣义物動作官宣贊授令自兹厥後方配兵人或給 訪遺文修廢典建明堂立學校與一代之茂矩標千載 祖 答兩京模式奏求營起緣期發音即加革結侍中領 千或與數百進退節縮曾無定準欲望速了理在 英規永平之中始創维構基趾草昧近無成功故尚 所以始基世宗於是恢構接功成作樂治定制禮乃 参四十一 難

定四庫全書 |

克若使專役此功長得營造委成責辦容有就期但所

構厦止於尺土為山頓於一簣良可惜敏思謂名民經 多兼之牵役廢此與彼循環無極便是輟創禮之重資 始必有子來之歌與造勿亟將致不日之美况本兵不 兆仍令肄胄之禮掩仰而不進養老之儀寂寥而不返 終無就功之寔爽塏荒茫淹積年載結架崇構指就無 給之夫本自寡少諸處競借動即千計雖有繕作之名 矣今諸寺大作稍以粗舉並可徹減專事經綜嚴勒工 不急之費廢經國之功供寺館之役求之遠圖不亦闕

於定四車全書!

主

與都督仍兼尚書行臺與正平都督長孫雅合勢進討 相與連勢進子恭為持節散騎常侍假平孔將軍征建 慰勞還拜河內太守加後将軍平終蜀反丹谷清廉二 奏從之除冠軍将軍中散大夫又領治書侍御史秦益 仍行南泰州事及六鎮反以子恭兼給事黃門郎持節 氏反部子恭持節為都督河間王琛軍可以討之事平 匠務令克成使祖宗有薦配之期蒼生覩禮樂之富書 險症不通以子恭為當網郡別将俄而建與蜀復反

隨方應接城並破走蕭行豫州刺史夏侯直復遣四将 武泰初郢州刺史元願達以城降蕭行詔後都督尉慶 率泉三萬入圍南頓北攻陳項子恭遣軍架之城復奔 賓還京師回衆隷子恭以討之行将夏侯夔率衆數萬 事平除平南将軍豫州刺史尋加散騎常侍無軍将軍 寇遠近不安變乘勢分兵遂逼新蔡自攻毛城子恭

破之正平賊帥范明遠與賊帥劉牙奴立面縛請降

定四車全書

魏青

如鎮南將軍又兼尚書行臺子恭勒衆渡淮徒民於

車 淮 誘黨類據險寇獨子恭躬率將士徑襲其柵數日之中 子恭擊破之斬智達生擒次洪元颢之入洛也加子 "殪略盡諸蠻欵服咸求輸稅徴拜右光禄大夫給 顥 騎将軍子恭不敢拒之而頻遣間使參鞋帝動静未 加散騎常侍板橋蠻文石活石思羅受蕭行印節 北立郡縣置戍而還蕭行直閣将軍軍主胡智達等 敗車駕還洛進征南將軍兼右僕射假車騎將 與其監軍閥次洪入寇屯於州城東北四十餘 扇 軍

出子恭所部都督史件龍羊文義開柵降兆子恭退走 將 恭兼尚書僕射為大行臺大都督尋邊衛将軍假車騎 夏門北尋而太府卿李苗夜焼河橋世隆退走仍以子 侯食邑六百户加散騎常侍俄遷侍中爾朱榮之死也 門侍郎仍本将軍錄其前後征討功封臨潁縣開國 兆所破泉既退散兆因入洛子恭寡于缑氏仍被 軍率諸将於太行祭壘以防之既而爾朱兆率泉南 隆度律據斷河橋部子恭為都督以討之出順於大

百声之

data |

魏青

二十四


功追賞襄城縣開國男食邑二百户又論子恭餘劫封 中入為吏部尚書加縣騎大将軍以子恭前在豫州戰 章終入為冠掠諸蠻從之置立郡縣子恭討平之水熙 新城縣開國子食邑四百戶子恭尋表請轉授第五子 開國子食邑三百戸時叛蠻雷亂清受蕭行死州刺史 送俄而見釋前廢帝初除縣騎將軍左光禄大夫侍中 故尋授散騎侍郎都督三州諸軍事本将軍假車騎 将軍行臺僕射判州刺史以與定策之動封臨汝縣

秦四十一

散騎常侍涼州大中正轉太府少卿建義初遇害河陰 子恭弟篆字靈秀員外散騎侍郎累遷在虜将軍通直 彪弟文瑶武定中襲襄城縣開國男齊受禪爵並降 子彪字文宗子恭存日轉授臨賴縣開國侯武定末太 王軍司元象元年與和二年贈都督徐充二州諸軍事 文盛許之天平初除中書監三年拜魏尹又為齊獻武 驃騎大將軍尚書左僕射司空公兖州刺史諡曰文獻

墜先業子雍効立夏方身亡冀野惜乎 史臣曰源賀堂堂非徒武節而已其翼戴高宗庭柳禪 績除長樂太守以母老解官歸養卒無子 懷弟與字思周少而謹密初為中書學生隨父討粉勒 年三十七贈散騎常侍征北将軍定州刺史 好社稷之臣也懷幹略東舉出內有聲繼述賢考不 定四庫全書 魏書卷四十一 斬獲之功遷中散前後使檢察州鎮十餘所皆有功 是四十一

掩 ŗ 源賀傳時年二十四〇二監本誤三臣人龍桉本傳云 九泉元年與和二年贈都督徐宛二州諸軍事〇臣人 龍按孝静帝紀即位之五年改元元象其明年又改 仰而不進 0 仰字疑柳字之訛 本改 魏書卷四十一考證 同時戰歿安有父年四十而子已三十四耶今依別 子雅戰敗被害年四十今延伯隨父北討與葛榮戰 魏書



箈 簲 欽定四庫全書養要卷四千四百六十一史部 薩祖薩落等分統部衆故世號三薩父殭復代領 辯字允白其先自蜀徒於河東之汾陰因家焉祖 而祖落子孫微劣疆遂總攝三營善級無為民所 列傳第三十 魏書卷四十二 簰 齊 辩 超讚 魏 麗3 思書 範 韓秀 收 堯暄 撰 歸 部 陷

德 守 歴 立功於河際太宗授平西將軍 謹字法順容貌魁偉頗覽史傳劉裕擒泓辟相府 泰常七年卒於位年四十四 宗拜為寧朔將軍平陽太守及裕失長安辯來歸 **彊卒辯復襲統其營爲與尚書郎建威將軍河北** 石虎苻堅常憑河自固仕姚與為鎮東將軍入為尚 稍橋傲頗失民心劉裕平姚沿辯舉管降裕司馬 雍州刺史賜爵汾陰 行 凾

쉾

定匹庫全書]

參軍隨裕渡江尋轉記室參軍辯將歸國密使報

奚眷與謹自太平北入討平之除安西將軍涪陵公刺 刺 自彭城來奔朝廷嘉之授河東太守後襲爵平西将軍 陰侯謹所治與屈丐連接結士抗敵甚有威惠始光 化大行時兵荒之後儒雅道息謹命立庠教以詩書 如故太延初征吐没骨平之謹自郡遷州威惠兼備 坂世祖以新舊之民并為一郡謹仍為太守遷秦州 世宗部奚斤討赫連昌物謹領偏師前鋒鄉導既剋 史将軍如故山胡白龍憑險作逆世祖詔鎮南将 軍

文

足可車全書

魏書

為 年 三農之暇悉令受業躬巡邑里親加考試於是河汾之 都 右薛永宗屯據河側世祖親討之乃詔拔糾合宗 四十四尋贈鎮西将軍秦雍二州刺史諡曰元公 年始弱冠司徒崔浩見而奇之真君中蓋吳擾 初古拔一曰車輅技本名洪 將從駕北討以 道與馬真君元年徵還京師 後 花四十二 期與中山王辰等斬於都 祚 除内都坐大官五 世祖 賜名沉 南 毅 時 鄉 動 有

於河際斷二寇往來之路事平除中散賜爵永康侯

南兖州 延 與二年 京 公主 歸 師 拜 顋 檀 刺史游明 順 討以拔為都將從駕臨江而還又共陸真討反 除鎮西大將軍開府進爵平陽公三年 袓 殭免生 平之皇與三年 **勃拔請彭城勞迎除冠軍將軍南豫州** 騎馬都尉其年拔族叔劉或徐州刺史安都 親自勞勉復令還州太和六年改爵為 根南平太守許含等以治民著稱 除散騎常侍尚西 拔 刺 與 徵

南

東公八年三月詔拔入朝暴病卒年五十八贈左光

E 9

車全書

雅書

太后公除高祖詔諸刺史鎮將曾經近侍者皆聽赴 大夫諡曰康 俏隨例入朝屬開革五等降公為侯十七年高祖南討 長子脩字寧宗少有父風弱冠拜中散襲爵鎮西大將 **亮等拒於淮上尋授持節義陽道都將十四年文** 河東公除懸私鎮將蕭贖遣將寇邊的係為都將 郡王幹司空穆亮為西道都將時幹年少未涉軍 明

卷四十二

高祖乃除偷假節假平南將軍為幹副軍行達衰又

遊歷尚書左外兵郎左軍將軍遷征虜將軍中散大夫 於是羣盗悔氣郡中清肅二十三年秋遇疾卒於郡時 以蕭贖死班師又為都將共討秦州反賊支酉疑生 裔字孫孫襲爵性豪爽盛營園宅賓客聲伎以恣嬉 鄉間係至郡之日即收其奸魁二十餘人一時戮之 四十四諡曰敬 兩姓各二千餘家恃殭憑險最為校害劫掠道路侵 之除立忠將軍河北太守郡帶山河路多盗賊有韓

E

魏書

出為洛州刺史卒贈平西將軍岐州刺史 子孝紳襲爵稍遷前將軍太中大夫孝紳立行險簿坐 日屋白雪 卷四十二

偷弟字崇赏平王懷謝一中令汝陰太守 子修仁司空行參軍 事為河南尹元世儁所劾死後贈征西將軍華州刺史

長子驎駒好讀書舉秀才除中書博士太和九年蕭賾

拔弟洪隆字菩提解褐陽平王國常侍稍遷河東太守

仁弟玄景陳留太守

使至乃詔驎駒魚主客郎以接之十年秋遇疾卒時年 三十五贈寧朔將軍河東太守諡曰宣

長子慶之字慶集頗以學業聞解褐奉朝請領侍御史

慶之與廷尉正博陵崔纂或以城狐狡害宜速殺之或 廷尉丞廷尉寺隣接北城曾夏日於寺傍執得

以長育之月宜侍秋分二卿裴延儁袁翻互有同異雖 戲謔詞義可觀事傳於世轉尚書郎魚尚書左丞為

慶之弟英集性通率隨舅李崇在楊州積年以軍功歷 史為葛榮攻圍城陷尋患卒後贈右將軍華州刺史 陽軍司還京其年秋卒時年四十九贈陵江將軍光城 府鎧曹祭軍稍遷治書侍御史正始初為持節征義 太和二年為太子詹事丞本州中正世宗昼作轉太 徒鎧曹冬軍稍遷治書侍御史通直散騎常侍卒 駒弟鳳子自徒都洛邑鳳子兄弟移屬華州河西郡

定四庫全書

卷四十二

太守

髙 景茂弟孝通頗有文學永安中中尉高道移引為御史 長子景茂司州記室從事荷氏令早卒 征虜將軍華州刺史 長子聰字延智有世譽累遷治書侍御史直閣將軍為 有六子 祖所知世宗踐作除輔國將軍齊州刺史卒於州贈 總書

鳳子弟驥奴州主簿

隆弟破胡州治中别駕稍遷河東太守征仇池都將

曇賢弟和字導穆解褐大將軍劉 视府行參軍轉司空 仙智弟曇賢卒於國子博士 道智弟仙智郡功曹 陳贈都督真定太三州諸軍事車騎将軍真州刺史 子長瑜天平中為在東將軍洛州刺史擊賊潼關沒於 聰弟道智尚書郎卒 歷中書舎人中書侍郎常山太守遇惡疾而卒 小子景湖尚書五民郎

歃

定四库全書

赵四十二

長子元信武定末中軍将軍儀同開府長史 長流参軍除太尉府主簿遷諫議大夫永平四年正 破齊軍正光初除左將軍南青州刺史卒於州年五十 討龍駒平之和因表立東夏州世宗從之又行正平潁 , 贼劉龍駒擾亂夏州詔和發汾華東秦夏四州之眾 贈安北將軍贏州刺史 魚尚書左丞為西道行臺節度都督傅豎眼諸軍大 , 郡事除通直散騎常侍蕭行遣將張齊寇晉壽詔

苻堅東菜太守讚弟謙之有道街世祖敬重之故追 冠讚字奉國上谷人因難徒馮瑚萬年父脩之字延 長子敬賢為鉅鹿太守 和弟孝令奉朝請 氏 弟精善為中書博士臨 隆宗太原太守 胡弟破氐為本州别駕早卒四子 准王提友 贈 期

釤

定四庫全書 1

卷四十二

脩之安西將軍秦州剌史馮翊公賜命服諡曰哀公詔

為馮翊太守召為功曹後除襄邑令姚泓減秦雍人千 從追贈太守縣令侯子男者十六人其臨民者七郡五 秦雍二州為立碑於墓又贈脩之母為馮朔夫人及宗 雍之民來奔河南裝陽河內者戶至萬數拜讚安遠將 有餘家推讚為主歸順拜綏遠將軍魏郡太守其後秦 僕射章華州里高達雖年時有異恒以風味相待華 讚少以清素知名身長八尺姿容嚴疑非禮不動行 雅州刺史 縣縣侯治於洛陽立雍州之郡縣以

加安南將軍領護南蠻校尉仍刺史分洛豫二州之僑 由是流民經負自遠而至參倍於前賜讚爵河南公 猶言相中不見而瓊果以暴疾未拜而終昔魏舒見 言杜瓊不得官長人咸謂不然及瓊被選為盩屋 及貴也文以民禮拜謁仍曰明公憶民畴昔之言乎 定 以益之雖位高爵重而接待不倦初讚之未貴也當 日但知公當貴然不能自知得為州民也讚曰往時 四庫全書 者唐文相文曰君額上黑子入情位當至方伯 寒四十二

主人兒死自知已必至公吾常以卿言瓊之驗亦復不 長子元實襲爵為豫州别駕與安元年卒贈安南將軍 之譽年老表求致仕真君九年卒年八十六遗令簿葬 息此望也乃賜文衣服良馬讚在州十七年甚獲公私 飲以時服世祖悼惜之諡曰宣穆 州刺史

靈孫襲赭陽太守

祖蒙爵高祖時為安南將軍東徐州刺史卒

賊害良善徵為都將與荆州刺史公孫初頭等追揃之 士顯祖末為中川太守時馮熙為洛州刺史政號貪虐 虎皮弟臻字仙勝年十二遭父憂居喪以孝稱輕財好 刺史及髙祖南遷郢州地為王畿除弘農太守坐受納 仙勝微能附之甚得其意轉引農太守後以母老屢求 元寳弟虎皮有才器本縣令 任久乃從之高祖初母憂未関以恒農大盗張煩等 **报武将軍北陽鎮將有威惠之稱遷建威将軍郢州**

飲定四庫全書

兵送道元免官治兄弟拉孝友敦穆白首同居父亡雖 史代下之後蜜民以刺史鄰道元峻刻請治為刺史朝 祖訓弟治字祖禮自洛陽令稍遷鎮遠將軍東荆州剌 長子祖訓順陽太守 久而猶於平生所處堂宇備設韓帳几杖以時節開堂 議以邊民宜悦乃以治代道元進號在虜將軍坐遣戍

為御史所彈遂廢卒於家

列拜垂淚陳薦若宗廟然吉凶之事必先啟告遠出行

W all o not to duto !

魏吉

七兵尚書雍州刺史昌平男 朱兆脱身南走歸命於彌彌不納遣人加害時論深責 治弟彌兼尚書郎為城陽王徽所親待永安末徽避爾 追討戰沒贈持節都督雍華岐三州諸軍事衛大將軍 執據尋遷金紫光禄大夫是時靈反於三鷄治為都督 之兼廷尉卿又兼尚書畏避勢家承顏候色不能有所 邵鐵忽反又為城民詣都列其貪狀十六條會赦免久 反亦如之治世宗末遷前將軍河州刺史在任數年遇 **灾匹屋百里** 卷四十二

之後沒關西 治長子朏之字長明自直後奉朝請再遷鎮遠將軍諫

年卒年五十八 東荆州刺史永熙中鎮東將軍金紫光禄大夫武定四 尚書為荆郢行臺代遷除征虜將軍督泰中襲爵又為 議大夫仍直後建義中出除冠軍將軍東荆州刺史兼 酈範字世則小名記祖范陽涿鹿人祖紹慕容實濮陽

太守太祖定中山以郡迎降授究州監軍父萬天水太

大足可睡 do allo

祝書

+

宁範世祖時給事東宮高宗踐阼追錄先朝舊煎賜爵 太廟進爵為子征南大将軍慕容白曜南征範為左司 永寧男加寧逐将軍以治禮郎奉遷世祖恭宗神主於 厲将士出其非意可一攻而剋之白曜日一日經敵數 弱卒可恃此天亡之時也令若外潜威形内整戎旅密 **椿梭候且篆必以我軍來速不去攻守謂方城可憑** 周不宜便進範日令輕軍遠襲深入敵境無宜淹留 師次無鹽劉彧戍主由纂憑城拒守識者食以攻

世之患今若舒遲民心固矣司馬之策是也遂潛軍偽 之無益軍聲失之有損威勢且見無鹽之卒死者塗炭 之進次肥城白曜将攻之範曰肥城雖小攻則淹日得 澤連城有懷貳之将此邑有拒守之夫宜先信義示之 東秦不遠為經界恐未可定也今皇威始被民未霑 物然後民心可懷二州可定白曜日此良策也乃免 示以不攻暴果不設備於是即夜部分旦便騰城崇 而剋白曜将盡以其人為軍實範曰齊四履之地世

2

成敗之機足為鑒矣若飛書告喻可不攻自伏縱其不 逼之朝夕無患竟何所畏也求援軍且觀其使詞煩而 之範日桑梓之懸有懷同德文秀家在江南青土無墳 太守房崇吉桑母妻東走或青州刺史沈文秀遣其寧 衆曰此行也得卿三齊不足定矣軍達升城劉或太原 栢之累擁衆數萬勁甲堅城殭則拒戰勢屈則走師. 朔将軍張元孫奉殷歸款請軍接接白曜将遣偏師赴 降亦當逃散白曜乃以書晚之肥城果漬白曜目範於 定四庫全書 卷四十二

策皆不失表今日之算吾所不取 守 自守盤陽諸戌勢不野戰文秀少剋珍意在先誠天與 進 取 既進無所取退逼強敵抵羊觸藩贏角之謂未若先 愧視下而志怯幣厚言甘誘我也若不遠圖懼虧 歷城平盤陽下梁鄒剋樂陵然後方軌連鑂揚 何患不壺漿 後 可拔文秀既據東陽為諸城根本多遣軍則歷 悔 何及範曰短見猶謂不虚歷城足食足兵 路左以迎明公者哉白曜曰卿前後 何者道固孤城裁能 旌 城 直

包多

夢陰毛拂踝他日說之時齊人有占夢者曰史武進云 守偏師在前為其所挫恐鄉諸城追擊其後文秀身率 之固不立少遣衆則無以懼敵心脱文秀還叛閉門 欽 願 定四庫全書 / 平東将軍青州刺史假范陽公範前解州還京也夜 更思審勿入賊計中白曜乃止遂表範為青州 撫新民後進爵為侯加冠軍将軍遷尚書右丞後 少相乘迫腹背受敵進退無途雖有韓白恐無全 卷四十二

豪盛於齊下矣使君臨撫東秦道光海岱公當重收全

聊 明為算略勿復懷疑侍卿别犯處刑及鞭令怒刑 餇 勤 身 言是時鎮将元伊利表範與外賊交通高祖詔範 再禄管丘矣範笑而答曰吾将為卿以驗此夢果 妄生姦撓表卿造船市玉與外賊交通規陷卿 能 非 任有司推驗虚實自顯 致遠雖外無殊效亦未 功舊位無重班所以超遷顯爵任居方夏者正 卿宜克值綏輯邊服稱朕意也還 有罪者今伏其辜矣卿 有負時之您而鎮 朝年六十 罪 将 如 窺 日

9

Ē

2

ALIO I

魏吉

十四

道元第四弟道慎字善季涉歷史傳有幹略自奉朝 子中字伯偉武定初司徒刑獄參軍 為正平太守治有能名遷長樂相正光五年卒年三十 遷尚書二千石郎中加威遠将軍為漢川行臺迎接降 二卒於京師諡曰穆範五子道元在酷吏傳 贈後将軍平州刺史 以功除員外常侍領郎中轉輔國将軍騎将軍出 請

灰匹屋 有 TE

松四十二

道慎弟道約字善禮起家奉朝請再遷冠軍将軍司徒

神虎弟夔子惲字幻和好學有文才尤長吏幹正光中 範弟神虎尚書左民郎中 定七年卒 髙第為奉朝請後延儁為討胡行臺尚書引為行臺郎 刺史裴延儁用為主簿令其修起學校又舉秀才射策

東菜魯郡二郡太守為政清静吏民安之年六十三武

乞丐不已多為人所笑弄坎凛於世不免飢寒晚歷

議參軍樸質運鈍頗爱琴書性多造請好以荣利干

於定日華全書 ■

执言

十五

國子邑三百户惲在軍啟求減身官爵為父請贈記 長猴 功名自許每進計於雅多見納用以功賞魏昌縣 情之所作文章頗行於世撰慕容氏書不成 行臺郎中樊子鹊所攻城陷被害時年三十六世咸 陽武泰中爾朱崇稱兵赴洛軍與元珍不從其命為 征虜将軍安州刺史惲後與唐州刺史在元珍固守 雅又引為行臺郎加征虜将軍憚頗兼武用 有 稱除尚書外兵郎仍行臺即及延傷解還行 卷四十二 常

变弟神期中書博士 賜爵遂昌子拜廣武将軍髙宗稱秀聰敏清辯才任 韓秀字白虎昌黎人也祖军慕容儁謁者僕射父昞 神 舌遂命出納王言并掌機密行幸遊獵隨侍左右 初歸國拜宣威将軍騎都尉秀歷吏任稍遷尚書郎 作轉給事中祭在南慕容白曜軍事延興中尚書 期弟顯度司州秀才尚書庫部 郎 顯 皇 喉 袓

2

Ē

As dute 1

魏吉

懷則武定末司空長流多軍

闢 意或貪留重遷情 州 レス 素 羣官 去 敦 土之宜愚謂敦煌之立其來已久雖土 万 凉 之規 煌 Œ 習 Æ 會議 州及千餘里 縱 启 有姦竊 鎮 夷狄交構互相來往恐 途退塞西夷之閥 食以為 介速西北寇賊路衝 不 不能為害循常置成足 然秀獨 솸 願 遠 卷四 徙 就近遥防 脫 謂 引寇 路岩 非 1醜徒 "處或不固 内 便日 從 侵 就 有 此 闕一 深為國患且 姑 **惕契侵竊涼土** 隣 | 戲國之 减慮人懷 以 旦廢罷 自 欲 殭 全 寇而 移 事 進 就 斷 兵 凉

務字道世性端謹有治幹初為中散稍遷太子明軍校 及近諸戌則闢右荒擬烙警不息邊役煩興艱難方甚 假漁陽公在州數年卒子務襲爵 乃從秀議太和初遷内侍長後為平東将軍青州刺史 時高祖南征行梁州刺史楊靈珍謀叛以務為統軍 在所還遷長水校尉景明初假節行肆州事轉左中 都督李崇節度以討靈珍有戰功授後軍長史徵 将寧朔将軍武守常山郡又為征蠻都督李崇司馬

崇揃蕩羣蜜除近畿之患務有力馬後除鎮北府司馬 初試守常山府解復為平北長史務頗有受納為御史 務信之遣兵千餘人迎接户既不至而詐表破賊坐 今務所獻亦此之流也奇麗之物有乖風素可付其 尉李平所劾付廷尉會赦免後除龍驤將軍郢州 邊人李是馬道進等詐殺蕭行黃坂戌主率戶來 獻七寶狀象牙席部曰晉武帝焚雉頭義朕常嘉

欽

定四庫全書

巻四十二

以免官久之拜冠軍將軍太中大夫進號左將軍神龜

初卒 書于時始立三長暄為東道十三州使更比户籍賜 **堯暄字辟邪上黨長子人也本名鍾葵後賜為暄祖僧** 尉中給事魚北部曹事後轉南部太和中遷南部 太祖平中山與趙郡呂舎首來歸國暄聰了美容 千人軍將東宫吏高宗以其恭謹擢為中散奉使齊 檢平原鎮將及長史貪暴事推情診理皆得其實 乘底馬四匹時蕭晴遣其將陳顯達寇邊以暄為 d.to 貌

3

Э

Ē

總言

會陳顯達遁走暄乃班師暄前後從征及出使檢察三 帛七百匹初暄使徐州見州城 持節假中護軍都督南征諸軍事平陽公軍次許昌 年卒於平城高祖為之舉哀贈安北將軍相州刺 太僕 熕 匹 匹 紬 許度皆有克已奉公之稱賞賜衣服二十具綠絹 周白雪 卿車駕南征加安南將軍轉大司農卿太和 網 由是後更損落及高祖幸彭城聞之曰暄 千餘段奴婢十口賜爵平陽伯及改置百官 卷四 樓 觀嫌其華盛乃令

暄長子洪襲鎮北府錄事參軍 可追斬 子雄字休武元象中儀同三司豫州刺史城平縣開 遵免榮員外散騎侍郎 洪弟遵伏波將軍河州冠軍府長史臨洮太守卒贈龍 子無字永壽元象中開府儀同三司樂城縣開國公 將軍諡曰思 國

鬼与


髙邑子諡曰敬 子受恩為侍御中散典宜官曹累遷外都曹令轉北部 子方生機識明辯卒於主書郎贈建武將軍定州刺史 伯 奮弟難宗武定中征西將軍南岐州刺史征卷縣開國 雄弟奮字彦舉與和中驃騎將軍潁州刺史 呂舎既歸國從至京師給賜田宅


定四庫全書

松四十二


ナハ

給事秦州刺史卒於官






酈範傳長孫雅又引為行臺郎〇北史行臺長孫承棠 其文 史書其字而此义改作雅疑唐臣避髙宗嫌名而易 觀觀子冀歸髙祖以其幼承家業賜名稚字承業北 引為行臺郎臣人龍按本書長孫道生傳子抗抗子 魏書卷四十二考證 į J. 15. 饱富



Ė 2 第 第五頁前六行裴延備刊本偶 卷四十二第五頁前四 謹案卷四十一第二十頁 鎮 北 刊 十四頁前四行而 1. 1. T 據 城 本官 明 刊 監 本 訛官 本政 脱 丞廷 L據毛本 尉 鎮 將 三字 行 攺 伊 遷 前四 利 廷 據毛本及 7刊本鎮 尉 訛雋據本傳改 行 丞廷 若言不好禁宦 将 北 尉 史 誤 寺 作 隣 増 將 接





楼録舉人臣王旭暢校對官檢討臣王鍾健 覆校官編修臣方 燒